

Na osnovu člana 8.Zakona o novčanim podsticajima u poljoprivredi i ruralnom razvoju na području Bosansko – podrinjskog kantona Goražde („Službene novine Bosansko –podrinjskog kantona Goražde”, broj:4/13 i 10/20) ,Odluke Vlade Bosansko-podrinjskog kantona Goražde, broj: 03-11-332/22 od 04.03.2022. godine o davanju saglasnostina Program utroška sredstava „Program kantonalnih novčanih podsticaja u poljoprivredi za 2022.godinu" i Odluke Vlade Bosansko –podrinjskog kantona Goražde broj: 03-11-1475/22 od 12.08.2022. godine o davanju saglasnostina na Program o izmjenama i dopunama Programa utroška sredstava utroška sredstava „Program kantonalnih novčanih podsticaja u poljoprivredi za 2022.godinu" i Uputstva za ostvarivanje novčanih podsticaja u primarnoj poljoprivrednoj proizvodnji, broj: 04-11-438-3/22 od 04.04.2022godine.,Ministar za privredu

**d o n o s i :**

**UPUTSTVO**  
**O IZMJENAMA I DOPUNAMA UPUTSTVA ZA OSTVARIVANJE NOVČANIH**  
**PODSTICAJA U PRIMARNOJ POLJOPRIVREDNOJ PROIZVODNJI**

**I**

Ovim Uputstvom vrše se izmjene i dopune Uputstva za ostvarivanje novčanih podsticaja u primarnoj poljoprivrednoj proizvodnji broj: 04-11-438-3/22 od 04.04.2022.godine, tako što se u dijelu Program pod tačkom **D. PODSTICAJI INVESTICIJA U POLJOPRIVREDNA GAZDINSTVA-KAPITALNA ULAGANJA** , iza tačke **D/5** dodaju nove tačke **D/6** i **Sufinansiranje nabavke krupne i sitne stoke** i **D/7 Sufinansiranje jesenje sjetve., koje glase:**

**„D/6 Sufinansiranje nabavke krupne i sitne stoke**

Pravo na dodjelu sredstava za sufinansiranje nabavke krupne i sitne stoke stižu kandidati koji se bave animalnom proizvodnjom i koji kupe (ovce, ovnove, koze, krave). Podsticaj za sufinansiranje nabvke krupne i sitne stoke mogu se dobiti u minimalnom iznosu od 500,00K.M. do maksimalno 2.000,00KM.po jednom korisniku novčanih sredstava. Za ostvarivanje prava na novčani podsticaj korisnik kantonalnom ministarstvu-Sektoru za poljoprivredu dostavlja slijedeću dokumentaciju:

- a) Zahtjev za ostvarivanje prava na podsticaj,
  - b) Potvrdu o upisu u Registar od općinske službe ili prema sjedištu,
  - c) Ugovor ili potvrdu od banke o otvaranju računa korisnika sa navedenim transakcijskim računom banke i tekućim računom korisnika
  - d) Uvjerenje nadležne kantonalne porezne uprave da klijent nema dospjelih, a neizmirenih poreznih obaveza (**fizička lica**) - **uvjerenje izdato u 2022. godini;**
  - e) Uvjerenje nadležne kantonalne porezne uprave da klijent nema dospjelih, a neizmirenih poreznih obaveza (**SPP, SPO, ZZ, DOO**),
  - f) Pravna lica dužna su dostaviti Rješenje o registaraciji djelatnosti, Uvjerenje o poreznoj registraciji, Obavještenje o razvrstavanju obrta – srodne djelatnosti prema klasifikaciji djelatnosti
  - g) Kupoprodajni Ugovor ovjeren u općini (**naknadno**),
  - h) Bankovna uplatnica o trasakciji sredstava pri kupovini stoke (**naknadno**),
  - i) Izjava da će stoku držati najmanje 3 godine na svom gazdinstvu-farmi,
  - j) Grla moraju biti markirana i obilježena u skladu sa Pravilnikom o obilježavanju i kontroli kretanja životinja u Bosni i Hercegovini („Službeni glasnik BiH : broj:13/10,79/10,25/11,103/11,41/12,52/15,2/16 i 66/16).
- a) Komisija ministarstva za privredu će (**naknadno**) zapisnički konstatovati kupljena grla, a vlasnik-korisnik sredstava je dužan Izvještajem sa Ugovorom i bankovnom uplatnicom potvrditi namjenski utrošena sredstva.

**Krajnji rok za podnošenje zahtjeva je 30.09.2022.godine.**  
**(Obrazac br. 20-a )**

## **D/7 Sufinansiranje jesenje sjetve**

Pravo na sufinansiranje jesenje sjetve imaju fizička lica i obrtnici u poljoprivredi (SPP, SPO, ZZ, DOO) sa područja Bosansko –podrinjskog kantona Goražde koji u jesenjem roku propisno zasiju pšenicu( oranje,frezanje,đubrenje,sijanje) i to minimalno 0,1 a maksimalno 0,5 Ha površine.Visina podsticaja je 1.800,00KM/Ha.

Za ostvarivanje prava na novčani podsticaj korisnik kantonalnom ministarstvu-Sektoru za poljoprivredu dostavlja slijedeću dokumentaciju:

- a) Zahtjev za ostvarivanje prava na podsticaj,
- b) Potvrdu o upisu u Registar od općinske službe ili prema sjedištu,
- c) Ugovor ili potvrdu od banke o otvaranju računa korisnika sa navedenim transakcijskim računom banke i tekućim računom korisnika,
- d) Uvjerenje nadležne kantonalne porezne uprave da klijent nema dospjelih,a neizmirenih poreznih obaveza (**fizička lica**) - **uvjerenje izdato u 2022. godini;**
- e) Uvjerenje nadležne kantonalne porezne uprave da klijent nema dospjelih,a neizmirenih poreznih obaveza (**SPP,SPO,ZZ,DOO**),
- f) Pravna lica dužna su dostaviti Rješenje o registraciji djelatnosti, Uvjerenje o poreznoj registraciji,Obavještenje o razvrstavanju obrta – srodne djelatnosti prema klasifikaciji djelatnosti,
- g) Račun o kupljenom sjemenu pšenice (**naknadno**),
- h) Ovlašteni službenici dužni su izvršiti obilazak klijenata i sačiniti zapisnik u cilju utvrđivanja površina zasijanim žitom(pšenicom) , Obilazak će izvršiti u dva navrata jesen i proljeće, a vlasnik-korisnik srestava je dužan Izvještajem uz račun o kupljenom sjemenu žita potvrditi namjenski utrošena sredstva.
- i) Da imaju poljoprivredno zemljište na području Bosansko-podrinjskog kantona Goražde(Izjavu o davanju zemljišta na korištenje ili Posjedovni list ).

**Krajnji rok za podnošenje zahtjeva je 30.11.2022.godine.  
(Obrazac br. 20-b)".**

## **II**

Izmjene i dopune Uputstva stupaju na snagu danom donošenja, a ostale odredbe Uputstva broj:04-11-438-3/22 od 04.04.2022. godine se ne mjenjaju i ostaju na snazi.

Broj:04-11-1667-3/22  
Goražde, 22.08.2022. godine

**MINISTAR**

Haris Salković